



22070255

**SESOTHO A1 – STANDARD LEVEL – PAPER 1**  
**SOTHO A1 – NIVEAU MOYEN – ÉPREUVE 1**  
**SESOTHO A1 – NIVEL MEDIO – PRUEBA 1**

Monday 14 May 2007 (morning)  
Lundi 14 mai 2007 (matin)  
Lunes 14 de mayo de 2007 (mañana)

1 hour 30 minutes / 1 heure 30 minutes / 1 hora 30 minutos

---

**INSTRUCTIONS TO CANDIDATES**

- Do not open this examination paper until instructed to do so.
- Write a commentary on one passage only. It is not compulsory for you to respond directly to the guiding questions provided. However, you may use them if you wish.

**INSTRUCTIONS DESTINÉES AUX CANDIDATS**

- N'ouvrez pas cette épreuve avant d'y être autorisé(e).
- Rédigez un commentaire sur un seul des passages. Le commentaire ne doit pas nécessairement répondre aux questions d'orientation fournies. Vous pouvez toutefois les utiliser si vous le désirez.

**INSTRUCCIONES PARA LOS ALUMNOS**

- No abra esta prueba hasta que se lo autoricen.
- Escriba un comentario sobre un solo fragmento. No es obligatorio responder directamente a las preguntas que se ofrecen a modo de guía. Sin embargo, puede usarlas si lo desea.

*Ntša maikutlo a hau holim 'a e 'ngoe ea liqotsulo tsena.*

1. (a)

### **Bokhutsana**

Ke hotse hampe ke hotse bohase,  
Batsoali ba ntšihile ke fokola,  
Ka sala lilemo li sa tsoa tšelela,  
Ka sala mafi a sa nkha nkong.

5 Ha ke motho ke khutsan' a khulu,  
Nkhono se-tsoala-ntate a koata,  
Qheku la otleha pelo habohloko,  
La itlama ka 'na qheku la batho.

10 Sekolo ka se kena ka mesarelo,  
Ka mesarelo ea masetla-libete,  
Qheku le rata thuto le se na mokhoa,  
Le se na teke le se na peni.

15 Ka lebitso ke matholoane kajeno,  
Ka tholoa ke Ramehlape Thaba-putsoa,  
Ka holela ka meraka Thaba-putsoa,  
Ke sa fokola ka holela naheng.

20 Eare ke sa tsoa kena betheng motho,  
Ka utloa ka lipitla ho lumelisa,  
Ka hlaha ho amohela tumeliso,  
Sholu la ntula ka pitla phatleng.

Ka lirao ka lumela ho sihlama,  
Bone la tima hoja e le bosiu,  
Rokong ba lilalome ka phaphama,  
Ka phaphama hoja ke fasitsoe thata.

25 Ka hoeletsa ho kopa khauhelo,  
Karabo ea e-ba ea motebo ho tuka,  
Ka lahla tšepo ka tela bophelo bo,  
Ka hopola bantsoali balimong.

30 Ka la moteha-phala lehlohonolo,  
Ka la moteha-phala thapo tsa khoehla,  
Tsa khoehla ke ho itutla khafetsa,  
Ka pshemoha sa thunya se hlatsa kulo.

Ramone M.S. *'Na ke Mosotho 2001*

- Sengoli se atlehile hakae ho amahannya sehlooho sa thothokiso le litš'elo tsa thothokiso?
- Ke maqiti afe ao sethothokisi se a sebelisitseng ho fetisa molaetsa oa sona?
- Litaba tsee li u ama maikutlo joang u le 'mali?

## 1. (b)

Hiqi o ile a ema, a tla a nkile likobo tse peli tsa matlalo a liphoofole tse suhiloeng hantle. E ne e le kobo ea letlalo la tau le ea tlalo la lengau. Hiqi ha a fihla ho batlotlehi a phutholla polasetiki, ‘me a ntša kobo ea letlalo la tau a apesa Tonakholo Mokoepa. Sechaba sa opa liatla ha se bona kamoo Mokoepa a tšoaneloang.

- 5 Eaba Hiqi o ntša kobo ea letlalo la lengau o e apesa Tsietsi, ‘me sechaba sa ‘na sa otlala mahofi. Ha Hiqi a se a apesitse batlotlehi, Qiva a lokolla Tona-kholo hore a eme a fane ka puo. Mokoepa a ema a ntse a bobosela, a thabetse kobo ena e mo koahetseng hamonate holim’a sutu, ebile e tlanngoe ka maqhoele molaleng. A theta sekohlola, nt’o ingoaea molaleng mona pele a bua. A re: “Molao o mong oa bobeli ke oa hore...” Mokoepa a boela a ingoaea molaleng a tlenne sefahleho, joale batho ba makalla seo. Ha a se a ingoaele a re: E ee, tšoarello...” A boela a ingoaea molaleng le hloohong a tlenne ka mahlong. Sechaba sa qala ho makalla joale tona-kholo o jeoa ke eng! Eitse sechaba ha se sheba tsietsi mane moo a lutseng sa fumana le eena a ntse a khoabitla ka mahafing le molaleng. Bohle ba makalla hore molato ke eng joale. Mokoepa ha a se a ingoaele tlas’a mahafi a re: “Sechaba sa ntate... sa ka mamelang han...” A boela a ikhoabitla sa ntja ea borakana setulong mane, nakong eona eo le eena a longoa molaleng mona, a ingoaea ka lihlong le letsoalo. Sechaba se ne se se eme ka maoto joale se makaletse mohlole, bang ba tšohile, litlokotsebe li nkehile ke litšeho.

- Mokoepa e itse ha a icheba kobong le matsohong mona a fumana a hometsoe ke litampane le matsetse. A tlolela holimo a leka ho hlobola kobo, ea mo khama molaleng. Tsietsi moo a leng teng mane le eena o ne a eme ka maoto, a leka ho hlobola kobo ea hae, a longoa ho se monate. Mokoepa a rutla kobo habohlolo a khaola maqhoele a e akhela holimo. Sechaba se ne se se se theohile litulong tsa lebala la lipapali se matha fatše, mapolesa a phoka bothata. Tsietsi le eena a atleha ho hlobola kobo a e lahlela koana.

- Sechaba se ne se se se ferekane nakong ena. Se ne se tletse lebala e le: He, heihei, keng? Keng?
- 25 Lepolesa le leng la ba la qetella le khenne ‘me la thunya. Khili!  
Lepolesa la tla la etsa taba. Ba hatana holimo batho ho leba hekeng ea lebala la lipapali. Mapolesa moferefereng ona ke ha a pota-potile batlotlehi, Hiqi le Qiva. Likobo tse tletseng litampane le matsetse tsane ba li akhetse hole mane.

- Motho eo esaleng a etsa mohlole mofere-fereng ona o mong, ke Hiqi. Le ha batho bohle ba se ba balehile ba ile mahae, Hiqi o ne a ntse a tletse litšeho sefahlehong.
- 30 Batlotlehi ba ile ba felehetsoa libaki ba li lahletse koana, lihemphe ba li hlobotse, ba tsamaea ba le likhobo. Meriri e ne e hlalabetse, ba e ngoaele, e le likhobe tse kang ha lia ka tsa kangoa hoseng.

Ramokhothoane K.A. *Lehlohonolo* 1996

- Bontša hore na maikutlo a sengoli ka batlotlehi a behiloe joang qotsulong ena.
- Sengoli se sebelisitse maqiti afe ho natefisa litaba tsee?
- Na se atlehile ho u hapa maikutlo u le ‘mali?